

Kobikisa Buku na Nzambe - Salvation Scriptures

Baefeso 2:2 Bongo bozalaki kondima kokokisa bino mpenza na bizaleli na mokili oyo. Bozalaki kotosa mokonzi na nguya na milimo kati na mopepe, molimo oyo azali kosala mosala sik'oyo na mitema na batu na kotosa Nzambe te.

Matayo 6:10 Esengeli Bokonzi na yo eya. Esengeli makambo olingi esalema na mokili lokola basalaka yango kuna na lora.

Luka 22:42 "Tata, soki olingi, longola kopo na mpasi oyo epai na ngai. Kasi osala te lokola nalingi, kasi lokola olingi."

Yoane 16:7-9 Kasi nalobi na bino likambo ya solo: ezali malamu mpo na bino soki nakei, mpo soki nakei te, Mosungi na bino akokuma te. Kasi soki nakei, nakotinda ye epai na bino. 8 Mpe mokolo ye akokuma, akotalisa batu na mokili ete bazali komikosa na ntina na masumu, na ntina na likambo na bosembo, mpe na ntina na bosambisi na Nzambe. 9 Bazali komikosa na ntina na masumu mpo bandimi ngai te,

2 Timoteo 2:10 Mpo na oyo namemi makambo nyoso mpo na batu Nzambe asili kopona, boye bango lokola bakoka kozwa kobikisa oyo ezali kati na Yesu Kristo, mpe nkembo na seko lokola.

Baroma 15:20,21 Kasi nalingaki kosakola Nsango Malamu bobele na bisika oyo batu bayokaki naino te Nsango na Kristo, mpo ete nalingaki te kotonga ndako likolo na makolo oyo motu mosusu atiaki 21 kolanda lokola bakomaki na Buku na Nzambe: "Batu oyo basakolaki Nsango na Ye epai na bango te bakomona, Mpe batu oyo bayokaki Nsango na ye te bakoyeba."

Misala Bantoma 2:36,37 Batu nyoso na Israele bakoki koyeba oyo na solo: Yesu oyo botiaki na krusi, ye nde Nzambe asili kotia Mokonzi mpe Masiya!" 37 Ntango ebele ya batu bayokaki maloba oyo, motema na bango ekatanaki. Batunaki Petero mpe bantoma mosusu: "Bandeko, ekoki tosala nini?"

Baebere 4:2 Mpo tozwaki Nsango Malamu ndenge moko lokola bango. Bayokaki likambo yango, kasi ezalaki na litomba mpo na bango te, mpo ntango bayokaki, bayambaki yango na kondima te.

Yeremia 24:7 Nakopesa bango mayele mpo bayeba ete ngai nazali Nkolo. Bakozongela ngai na motema moko; bongo bakozala ekolo na ngai, mpe ngai nakozala Nzambe na bango.

Misala Bantoma 16:14 Nkombo na moko na basi yango ezalaki Ludia, ye autaki na vile na Tuatira, motu na kotekaza bilamba motani na motuya mingi, mpe azalaki kopesa Nzambe lokumu. Ye azalaki koyoka biso, mpe Mokonzi afungolaki molimo na ye mpo na kotia matoi epai na liloba oyo Paulo azalaki koloba.

Matayo 13:14,15 Boye maloba na nebi Isaya ekokisama mpo na bango na maloba oyo: `Nzambe alobi: Bokoyoka malamu, kasi bokoyeba ntina yango te. Bokotala malamu, kasi bokomona te. 15 Mpamba te molimo na batu oyo asili kokuma molito. Basili kozipa matoi na bango, Basili kokanga miso na bango, Mpo ete miso na bango emona te, Mpe matoi na bango eyoka te. Mpo ete molimo na bango ayeba ntina te. Mpo ete bapasana epai na ngai te mpe nabikisa bango.'

Isaya 6:9,10 Alobi: "Kende koloba boye na batu ya ekolo oyo: `Bokoyoka malamu, kasi bokoyeba ntina te; bokotala malamu, kasi bokomona te.' 10 Kumisa mitema na bango makasi, zipa matoi mpe miso na bango; boye miso na bango ekomona te, matoi na bango ekoyoka te, mpe mayele na bango ekosila, bakobongola mitema te mpe bakobika te!"

Mako 4:11,12 Yesu alobaki na bango: "Bino moko bosili kozwa basekre na Bokonzi na Nzambe, kasi batu mosusu bayokaka makambo oyo nyoso bobele na masese, 12 boye: 'Bakoki kotala kasi komona te Bakoki koyoka kasi koyeba mpenza malamu te Mpo ete babongola motema te boye Nzambe akolimbisa masumu na bango'''

Yoane 12:39,40 Bakokaki kondima te mpo Isaya alobaki boye: 40 "Nzambe asili kokanga miso na bango. Ye asili kokanga mayele na bango, Ntina ete miso na bango emona te, Mayele na bango eyeba te, Mpe babongwa epai na ngai te, Mpo nabikisa bango."

Baroma 11:7,8 Bongo nini? Batu na Israele bazwaki te likambo oyo bazalaki koluka. Bobele batu oyo Nzambe aponaki nde bazwaki yango, basusu bazalaki na mayele na koyeba te, 8 lokola Buku na Nzambe eyebisi: "Nzambe apesaki bango molimo na kolala mpongi, asalaki bango boye mpo ete bamona na miso te, ete bayoka na matoi na bango te kino na mokolo yango."

2 Batesalonike 2:10,11 Ye akosala mabe na ndenge nyoso mpo na kokosa batu oyo bakobeba. Batu yango bakobeba mpo bayambaki mpe bandimaki likambo ya solo te mpo na kozwa kobika. 11 Ezali mpo na oyo Nzambe atindi nguya na kokosa motema na bango ete bandima likambo na lokuta.

Matayo 13:18-23 "Bongo boyoka ntina na lisese ya motu na kolona. 19 Batu na koyoka likambo na Bokonzi na Nzambe kasi na koyeba ntina te, bazali lokola pemberi na nzela esika mbuma ekwei: Satana ayei mpe alongoli likambo oyo esili kokweya na motema na bango. 20 Basusu bazali lokola mabele na mabanga oyo mbuma ekwei kati na yango, bazali koyoka maloba mpe bayambi yango noki na esengo. 21 Kasi bazali kotika maloba yango na kokota kati na motema na bango te, bazali kokangana na yango bobele mpo na ntango moke. Soki mpasi to konyokola ebimi mpo na maloba na Nzambe, bazali kotika kondima na bango noki. 22 Basusu lokola, bazwi mbuma kati na nzube. Bayokaki maloba, kasi

makanisi na bomoi na mokili oyo, mpe esengo na kokosa na mosolo ekangami na maloba yango, boye baboti mbuma moko te. 23 Bongo batu mosusu bazwi mbuma na mabele malamu: bayoki maloba mpe bayebi ntina na yango. Bongo baboti mbuma, mosusu kama moko, mosusu ntuku motoba mpe mosusu ntuku misato."

2 Bakorinto 3:15,16 Kino lelo soki bazali kotanga Buku na Moize, bakoki koyeba te mpo elamba yango esili kozipa mayele na bango. 16 Kasi, lokola Buku na Nzambe eyebisi: "Soki motu asili kobongwana epai na Mokonzi, elamba na kozipa miso na ye esili kolongwa"

Isaya 30:28 mopepe ya monoko na ye ekumi lokola mai oyo etondami, mpe emateli batu kino na kingo. Mpo na kopepa bikolo na lungu ya kobevisa, mpe kotiela bikolo singa ya mbeli na mbanga mpo na kobungisa bango.

Osea 11:3-7 Nzokane, ngai nde nalakisaki Israele kotambola, mpe namemaki ye na maboko na ngai. Kasi azali kondima te ete ezali ngai nde nazalaki kobatela ye. 4 Nazalaki komema ye na esengo nyoso mpe na bolingo. Nazalaki epai na ye lokola tata oyo amemi mwana na ye ya moke, mpe azali kotutisa ye na matama na ye. Nazalaki koleisa ye. 5 "Batu ya Israele bakozonga lisusu na Ezipeto te, kasi Asiria nde ekozala mokonzi na bango. Mpamba te baboyaki kozongela ngai. 6 Yango wana bitumba ekongala na bavile na bango, mpe ekosilisa makasi na bango, ekobevisa nyoso. Wana ezali lifuti ya ezaleli na bango. 7 Batu na ngai bakangami na mabe na bango; bazali kobenga bango epai ya motu na likolo nyoso. Kasi moko na bango andimi te.

Misala Bantoma 26:18 Natindi yo mpo na kofungola miso na bango, mpo na kolongola bango kati na molili, kokamba bango epai na mwinda, kolongola bango kati na bokonzi na Satana, kokamba bango epai na bokonzi na Nzambe. Mpo soki bandimi ngai, bakozwa kolimbisama na masumu na bango, bakozwa esika kati na batu na Nzambe.'

2 Timoteo 2:24-26 Esengeli mosali na Mokonzi aswana te, kasi azala na bolingo epai na batu nyoso, molakisi malamu mpe na motema molai, 25 esengeli alakisa na boboto batu na kotia ntembe epai na ye: soki Nzambe akopesa bango nzela na kobongwana mpe koyeba likambo ya solo. 26 Bongo bakokanisa malamu lisusu, mpe bakolongwa na moteko na Satana oyo akangaki bango mpe atiaki bango na kotosa mokano na ye.

Emoniseli 3:17-19 Olobi ete: 'Nazali motu na mosolo mingi, mpe nazali kosala misala malamu, nazangi eloko moko te.' Kasi oyebi te ozali motu na mawa mpe mosikini! Ozali mosikini, bolumbu mpe motu akufeli miso. 18 Mpo na oyo napesi yo kosei na kosomba na maboko na ngai or oyo batu basili kopetola na moto, mpo ete ozala na mosolo. Somba na maboko na ngai mpe bilamba mpembe mpo na kolata, mpe mpo na kobomba nzoto na nsoni na yo. Mpe somba lokola nkisi na kotia na miso

na yo boye okoki komona. 19 Napamelaka mpe napesaka etumbu na batu oyo nalingi. Talisa mposa monene na yo na kobongola motema.

2 Bakorinto 7:10 Mpo mawa oyo Nzambe asalelaki yango ebongwaka motema, ekambaka na nzela na lobiko, mpe motu abanga mawa na motema na ye mpo na yango te. Kasi mawa na mokili ebotaka kokufa.

1 Bakonzi 18:37 Pesa ngai eyano, Nkolo, pesa ngai eyano, mpo batu oyo bayeba ete yo Nkolo nde ozali Nzambe; boye okozongisa mitema na bango epai na yo."

2 Bakorinto 4:4 Bazali kondima te mpo nzambe mabe na mokili oyo asili kozipa mayele na bango. Nzambe yango azali kopekisa bango na komona mwinda oyo Nsango Malamu ezali kopanzanisa, oyo ezali kotalisa likambo na nkembo na Kristo Yesu, ye oyo azali elilingi na Nzambe.

Luka 8:11-15 "Ntina na liseso oyo ezali boye: mbuma ezali maloba na Nzambe. 12 Batu mosusu bazali lokola mbuma oyo ekwei pemberi na nzela. Bayoki, kasi Jaboro azali kokuma, azali kolongola maloba kati na motema na bango mpo na kopekisa bango na kondima mpe na kozwa kobika. 13 Batu mosusu bazali lokola mbuma na esika ya mabanga. Bazali koyoka maloba mpe kokamata yango na esengo. Kasi bazali kokotisa yango na motema te. Bazali kondima mpo na ntango moke, mpe bazali kotika yango na ntango na komekama. 14 Mbuma oyo ekwei kati na nzube ezali kotalisa likambo na batu oyo bazali koyoka, kasi bazali kotika makambo mosusu pemberi na nzela na kowamba bango, bobele makanisi ndenge na ndenge, mosolo, mpe bolingo na esengo na mokili, yango nde ezali kobota mbuma kasi ezali kokomela te. 15 Mbuma oyo ekwei na mabele malamu ezali kotalisa likambo na batu oyo bazali koyoka maloba na Nzambe, mpe bazali kokengela yango malamu kati na motema malamu mpe sembo, bazali kokangana na yango boye bazali kobota mbuma."

Misala Bantoma 15:11 Tozali kondima ete tosili kobika mpo na ngolu na Mokonzi Yesu, ndenge moko lokola bango."

Baroma 8:13 Mpamba te soki bozali kotambola nsima na nzoto, bokokufa. Kasi soki kati na Molimo, bobomi makambo na nzoto, bokobika.

**Pastor T. John Franklin
Church of Salvation, Healing, and Deliverance
COS-HAD.org**